

近代中國史料叢刊第二十二輯
沈雲龍主編

劉尚書（秉璋）奏議

（附清芬錄）

朱孔彰編

文海出版社印行

劉尚書
奉議

長洲朱孔彰署檢

光緒戊申
葉於江甯

1005/04

劉尙書奏議卷一目錄

長洲朱孔彰編次

謝授左春坊左庶子疏

謝補授翰林院侍講學士疏

襄辦軍務謝 恩疏

謝授陝西布政使疏

到江西布政使任謝 恩疏

謝加一級紀錄三次 恩疏

謝授江西巡撫疏

奏江西候補武職收標章程現無流弊疏

奏請終養疏

謝奉 旨毋庸開缺疏

頒到 欽定方略謝 恩疏

奏報同任接印日期疏

奉頒 穆宗御製詩文全集謝 恩疏

奏覆查九龍山地界片

奏劉子潯戰績疏

奏覆奉傳 諭巡撫認真辦事片

奏覆動撥常平倉穀價放給招商局濟用片

奏籌禁鴉片煙疏

密陳禁鴉片煙片

奏設立候審公所疏

奏已故知縣政績請 旨宣付史館疏

奏謝 恩賞福字疏

奏九江湖口所築礮臺扼要疏

覆奏前甘肅按察使劉于溥仍請從優議卹片

奏江西省通志修成校訂竣事疏

前甘肅按察使劉于溥病故三次請從優議卹疏

奏乞終養疏

奏交卸江西撫篆疏

劉尙書奏議卷一

謝授左春坊左庶子疏 同治四年

奏為恭謝

天恩仰祈

聖鑒事竊 臣 疊准江蘇撫 臣 咨開准吏部咨同治三年十月二十

一日奉

旨劉秉璋補授右春坊右庶子欽此又同治三年十二月十八日

奉

旨劉秉璋轉補左春坊左庶子欽此先後恭錄咨會到 臣 當在行

營兩次望

闕叩頭謝

奏議卷一

恩訖伏念臣未習韜鈴暫從軍旅當南服棄弓之日幸與觀成望
西清珥筆之班敢邀

顧問荷

恩施之逾格遠侍從之存躋涓壤莫酬冰淵自惕乃復迭承

綸綍累轉坊階春華未茂愧名實之難符年例不拘比疑丞之兼
厯

寵叨鶴籟思凜鵠梁臣惟有鼇戴知屏鷲庸益奮冀通方以致用

勤訓練以治軍說禮樂敦詩書敢遂忘乎誦習執干戈衛

社稷仍勉效乎馳驅以期仰答

高厚生成於萬一所有臣感激下忱理合繕摺附撫臣驛遞恭謝

天恩伏乞

皇太后

皇上聖鑒謹

奏

謝補授翰林院侍講學士疏

同治四年

奏爲恭謝

天恩仰祈

聖鑒事竊

臣

接准江蘇撫

臣

咨開准吏部咨同治四年二月初八

日奉

旨劉秉璋補授翰林院侍講學士欽此恭錄咨會到

臣

當在東壩

行營望

闕叩頭謝

恩訖伏念

臣

淮南下士江左從軍久睽侍從之班愧乏涓埃之效

銅龍待漏望

九重萬里之匪遙汗馬無功比一歲五遷而已速

寵榮迭被惶悚正深茲復仰荷

恩綸晉躋講學

光依蓮炬分輝組練三千路接柳營忝附瀛洲十八聞

命之下夙夜戰兢臣惟有隨同撫臣整飭凜防講求韜略凜八軼

之虛度咫尺毋違運百臂而彌勤分陰必惜以期仰答

高厚生成於萬一所有臣感激下忱理合繕摺附撫臣驛遞恭謝

天恩伏乞

皇太后

皇上聖鑒謹

奏

襄辦軍務謝

恩疏

同治五年三月初九日

奏爲恭謝

天恩仰祈

聖鑒事竊

臣

承准署兩江督

臣

李鴻章咨會同治五年正月十八

日奉

上諭劉秉璋統帶淮軍素稱得力著李鴻章卽飭令該學士迅赴

曾國藩軍營襄辦軍務等因欽此當卽恭設香案望

闕叩頭謝

恩訖伏念

臣

皖江下士吳會從戎追隨上將之後塵獲睹

中興之盛烈

恩榮疊被報稱毫無迺以淮勇之素稱得力值豫疆之尙有游氛

遂荷

綸音裨襄軍務聞

命之下彌切戰兢竊以擒賊雖屬么膺頗形猖獗中原實關大局
亟盼澄清在諸葛之廣益集思不乏超羣之選矧蕭何之發蹤指
示卽同畫一之規如臣庸愚何所裨助惟有隨同督臣曾國藩嚴
申軍紀迅赴戎機聯諸將爲同心驅偏師而犄角敢希李愬贊裴
相以成功庶比廉頗用趙人而效命以冀仰答
高厚生成於萬一所有臣感悚下忱謹附署督臣奏報之便恭摺

叩謝

天恩伏乞

皇太后

奏
皇上聖鑒謹

奏
皇上聖鑒謹

奏

謝授山西布政使疏

同治六年四月

奏爲恭謝

天恩仰祈

聖鑒事竊

臣於湖北蘄水營次接奉

欽差大臣湖廣督

臣

李鴻章行知同治六年二月十四日內閣奉

上諭劉秉璋著補授山西布政使該藩司現在軍營未到任以前

著胡大任署理欽此當在行營恭設香案望

闕叩頭謝

恩伏念

臣

皖江下士倖列詞垣自同治元年奉

旨調往江蘇軍營六載從征偏師分領戎機謬贊愧方略之未諳

臬事濫陳策馳驅而寡效迺荷師中之

錫命俾膺山石之劇區

恩重報輕震驚夙夜竊查藩司有表率地方之責晉省實屏蔽畿輔之衝巖疆況接夫關中斥候正嚴於境上臣戎行久厠吏治多疏雖存經營江漢之心莫副表裏山河之寄惟有迅圖馘醜益勵枕戈修我太原待作州兵而增衛撻彼荆楚載歌殷武以

申興庶稍答

高厚鴻施於萬一所有微臣感悚下忱謹繕摺附湖廣督臣奏報叩

謝

天恩伏乞

皇太后

皇上聖鑒謹

奏

1114-4152 912. 1

17

到江西布政使任謝 恩疏

同治十一年九月初八日

奏爲恭報謹到任日期叩謝

天恩仰祈

聖鑒事竊臣於七月初二日請

訓後遵卽束裝起程取道山東江南安徽等省於八月二十八日

行抵江西省城於九月初二日准署江西布政使臣李文敏將印

信文卷移交前來臣當卽恭設香案望

闕叩頭祇領任事訖伏念臣皖北下士叨遇

恩知夙忝竊於詞垣歷贊襄夫戎幄告歸梓里適清蛇豕之氛引

對

楓宸復策驚駘之效自

天簡擢伏地悚惶查江西素號名區藩司責兼庶政用人理財之道須慎權衡安民察吏之方尤資擘畫如臣梅昧懼弗克勝惟有勉竭愚忱倍加兢惕於地方一切事宜隨同撫臣劉坤一實力實心認真整飭不敢稍涉因循以期仰副

高厚鴻慈於萬一再沿途經過地方均臻安靜年歲中稔堪以仰紓

宸廑所有微臣感激下忱並到任日期謹繕摺叩謝

天恩伏乞

皇太后

皇上聖鑒謹

奏

謝加一級紀錄三次 恩疏 同治十三年二月十六日

奏爲恭謝

天恩仰祈

聖鑒事竊臣接奉撫臣劉坤一行知准吏部文開雲南全省肅清

請將各省籌解餉銀軍火各督撫藩司獎勵經吏部具

題於同治十二年十一月十六日奉

旨劉秉璋著加一級紀錄三次等因欽此當卽恭設香案望

闕叩頭謝

恩訖伏念臣詞垣供職戎馬從軍偶效微勞疊蒙

懋賞到任以後自維無補涓埃乃以滇省肅清

賞加級紀聞自

天之

寵命殊伏地以增慚惟有益矢慎勤無間終始隨時稟商撫臣酌
量盈虛勉籌接濟俾士馬得收飽騰之效邊徼永無烽燧之虞藉
以仰答

高厚鴻慈於萬一所有

微臣感激下忱謹繕摺恭謝

天恩伏乞

皇上聖鑒謹

奏

謝授江西巡撫疏

光緒元年八月二十五日

奏爲叩謝

天恩仰祈

聖鑒事竊臣於八月二十四日接准吏部咨光緒元年八月初二日奉

上諭劉秉璋著補授江西巡撫欽此臣當卽恭設香案望

闕叩頭謝

恩伏念臣皖北庸才詞垣供職從軍各省洊升江西藩司在任兩年慚無寸效上年十二月奉

旨署理江西巡撫時過半歲未報涓埃茲復渥被

溫綸真除疆寄荷

鴻慈之曲逮非夢想所敢期臣自顧何人疊邀

殊遇聞

命之下感悚倍增查江右幅幘遼濶巡撫責重事繁撫輯軍民籌備餉項在在均關緊要況齋匪之根株未盡防範不容稍疎九江爲通商馬頭控馭尤貴得當且現值整頓營伍經畫江防胥爲當今要務樁味如臣深懼勿克勝任惟有仰懇

聖慈俯准臣恭詣

闕廷跪聆

恩訓俾得有所遵循藉以稍酬

高厚生成於萬一如蒙

俞允請將江西巡撫篆務卽委藩司李文敏暫行護理所有微臣感

激依戀下忱理合恭摺叩謝

天恩伏乞

皇太后

皇上聖鑒謹

奏

奏江西候補武職收標章程現無流弊疏

光緒二十一年二月初九日

奏爲江西拏辦會匪歷係嚴懲其候補武職收標章程現無流弊
遵

旨覆陳仰祈

聖鑒事竊臣承准軍機大臣字寄光緒元年十二月二十日奉

上諭前據劉坤一奏哥老會匪蔓延湘鄂浙閩雲貴川陝安徽江西各省而江蘇爲尤多該匪半係前在軍營將弁其中迫於饑寒者不少請飭寬爲收標給予半俸以示體恤當經諭令沈葆楨等辦理茲據李瀚章奏稱匪徒設立會名全在大吏督飭地方官設法嚴辦有犯必懲至慮其爲匪遂謀所以贍恤之不特度支難繼甚且良莠不分請飭毋庸另立章程等語著劉秉璋體察情形悉

心安議奏明辦理等因欽此當經轉行欽遵去後茲據布政使李文敏署按察使周溯賢督糧道李衢亨署鹽法道王嵩齡查議會詳請

奏前來臣查匪徒拜會結盟謀爲不軌誠宜嚴拏在江西武職收標於部章之外復加詳細考核除舊部將弁素所深知外其他省軍營人員應由統兵大臣及各省督撫咨送業已遣散回籍者應取具族隣甘結地方官加具印結詳送所保官階係在他省立功保舉者併須咨查相符再加考驗實係年壯技嫻始准收標效力收標之後如有不安本分仍卽隨時參辦不稍姑容以此稽察綦嚴應無匪類溷跡營伍之患劉坤一原奏其意欲使寬爲收標免致流爲會匪非謂已爲會匪亦准收標李瀚章原奏意在懲奸謂

頑梗不化之徒必應嚴辦非代謀衣食所能革面洗心爾意各有指歸遂至議論未能符合重處斷不容姑息養奸致貽後患江西省自髮逆蕩平之後因土匪根株未盡游勇出沒靡常酌留水陸防軍擇要布置緝捕巡防並不時策勵各屬督率紳耆一體編查保甲勿稍懈怠是以偶有齋匪會匪潛聚謀逆立即破獲提訊明確卽行正法均經隨時

奏報在案是江西拿辦會匪本未敢稍涉疎虞至於軍營保舉武職收標候補部定章程誠以該員等效命戎行頻年征戰出入生死而得一官若事平遣撤置散投閑情殊可憫是以准其投標候補上則爲

國儲備將材下則振作行閒士氣非苟爲贍恤而各省情形臣未

敢懸揣惟悉心體察江西現辦收標章程尙無流弊理合恭摺覆
陳伏乞

皇太后

皇上聖鑒訓示謹

奏